



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11, JIB 4200068970001, Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	5006

Strana:
1 od 1

Broj protokola:

02-1-P4-7-6655-19/19

INTERNO - SVI

DATUM: 26.11.2019

PRIMALAC: RACIONAL d.o.o. Sarajevo
C – SERVIS d.o.o. Sarajevo
KONICA MINOLTA POSLOVNA RJEŠENJA BH d.o.o. Sarajevo

PREDMET: Obavijest - Nabavka robe: Kopir aparati

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Kopir aparati, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, ponuda ponuđača RACIONAL d.o.o. Sarajevo, ocijenjena kao najpovoljnija ponuda za nabavku predmetne robe.

S poštovanjem,

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DIREKTOR

Armin Kajmaković

DOP LP 01-3 01 01 Dope, 2 izdavanje Rev 3



	Telefon	Fax	Email
INFORMACIJE	+387 33 289 100	+387 33 289 356	info@sarajevo-airport.ba
DIREKCIJA	+387 33 289 200	+387 33 289 201	direkcija@sarajevo-airport.ba
OPERATIVNI CENTAR	+387 33 289 120	+387 33 766 841	podat@sarajevo-airport.ba
FRANŠIZE	+387 33 289 162	+387 33 289 234	frandepi@sarajevo-airport.ba
KOMERCIJALA	+387 33 289 177	+387 33 289 154	podatpi@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 2
Broj protokola: 02-1-04-7-6655-18/19	JAVNO

Datum: 22.11.2019. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Kopir aparati (6 kom), imenovane Rješenjem broj: 02-1-04-7-6655-6/19 od 17.10.2019. god., Uprava J.P. Međunarodni aerodrom "SARAJEVO" d.o.o. Sarajevo na 123. sjednici održanoj dana 22.11.2019. god., donosi

ODLUKU

I

Kao najpovoljnija ponuda za nabavku robe: Kopir aparati (6 kom), ocjenjuje se ponuda ponuđača RACIONAL d.o.o. Sarajevo, zavedena na protokol Naručioca pod brojem: 04-6-04-7-6655-14/19 od 28.10.2019. god., koji je nakon provedene e - aukcije ponudio najnižu cijenu za navedenu nabavku u iznosu od: 31.768,20 KM (slovima: tridesetjednahiljadasedamstošezdesetosam i 20/100 KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude i novi Obrazac za cijenu ponude koji će odražavati cijene iz e - aukcije održane dana 08.11.2019. god.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Kopir aparati (6 kom), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-6655-3/19 od 08.10.2019. god., a Rješenjem broj: 02-1-04-7-6655-6/19 od 17.10.2019. god., imenovao Komisiju za provođenje postupka.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-758-3-93/19 od 10.10.2019. god. Do ostavljenog roka za predaju ponuda, 28.10.2019. god., do 12,00 sati, na adresu Naručioca, ponude su dostavila 3 (tri) ponuđača, i to: C - SERVIS d.o.o. Sarajevo, KONICA MINOLTA POSLOVNA RJEŠENJA BH d.o.o. Sarajevo i RACIONAL d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustvo predstavnika ponuđača pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Ponuda ponuđača C - SERVIS d.o.o. Sarajevo dostavljena je suprotno sa zahtjevima Tenderske dokumentacije, naime Ponuđač nije u potpunosti popuni Aneks II, tačnije kolonu 3. Obrasca za cijenu ponude, koja se odnosi na zemlju porijekla robe, što je izričito zahtjevano članom 2.1, pod d) i Aneks-om II, napomena pod 5) Tenderske dokumentacije.

Imajući u vidu naprijed navedeno, Komisija je ovu ponudu ocijenila formalno - pravno neispravnom i neprihvatljivom za Naručioca.

-Ponuda ponuđača KONICA MINOLTA POSLOVNA RJEŠENJA BH d.o.o. Sarajevo je dostavljena u skladu sa zahtjevima Tenderske dokumentacije te je ocijenjena formalno - pravno, tehnički i računski ispravnom i prihvatljivom za Naručioca.

-Ponuda ponuđača RACIONAL d.o.o. Sarajevo je također dostavljena u skladu sa zahtjevima Tenderske dokumentacije i ocijenjena formalno-pravno, tehnički i računski ispravnom i prihvatljivom za Naručioca.

Vrsta dok.	Izdavač
ODL	01-3
Strana: 2 od 2	
JAVNO	

Nakon pregleda dostavljenih ponuda, Komisija je sačinila Spisak prihvatljivih ponuda, uzimajući u obzir činjenicu da je Odlukom o pokretanju postupka predmetne nabavke utvrđen kriterij za izbor najpovoljnije ponude, najniža cijena prihvatljive ponude, prema dostavljenim cijenama iz ponuda, koji glasi:

Rang-lista prihvatljivih ponuda prije e-aukcije

1. KONICA MINOLTA POSLOVNA RJEŠENJA BH d.o.o. Sarajevo, vrijednost ponude u iznosu od 31.800,00 KM
2. RACIONAL d.o.o. Sarajevo, vrijednost ponude u iznosu od 31.980,00 KM

Za ovaj postupak nabavke bila je predviđena e-aukcija i to za kriterij cijena, koja je zakazana i održana dana 08.11.2019. god. u 10,00 sati.

Ponuđač RACIONAL d.o.o. Sarajevo je tokom e-aukcije snizio cijenu sa 31.980,00 KM na 31.768,20 KM, a ponuđač KONICA MINOLTA POSLOVNA RJEŠENJA BH d.o.o. Sarajevo tokom e- aukcije nije mijenjao prvobitnu cijenu koja je iznosila 31.800,00 KM.

Nakon održane e – aukcije, Komisija je sačinila Rang-listu prihvatljivih ponuda koja glasi:

1. RACIONAL d.o.o. Sarajevo, vrijednost ponude u iznosu od 31.768,20 KM.
2. KONICA MINOLTA POSLOVNA RJEŠENJA BH d.o.o. Sarajevo, vrijednost ponude u iznosu od 31.800,00 KM.

S obzirom na naprijed navedeno, Komisija je utvrdila da je najpovoljnija ponuda za nabavku predmetne robe ponuda ponuđača RACIONAL d.o.o. Sarajevo, uz ponuđenu cijenu navedenu u dispozitivu ove Odluke, pa je predložila Upravi J.P. Međunarodni aerodrom "SARAJEVO" d.o.o. Sarajevo, da se ugovor dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo razmotrila je dostavljenu preporuku Komisije na 123. sjednici, održanoj dana 22.11.2019. god., te je, nakon uvida u cjelokupno provedeni postupak, istu prihvatila.

Imajući u vidu naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 64., a u vezi sa članom 89. stav (3) Zakona o javnim nabavkama, te članom 21. stav (2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda i Izvještaj o toku i završetku e – aukcije.

DIREKTOR

Armin Kajmaković

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a